

欽定四庫全書簡明目錄

聖諭

乾隆三十九年七月二十五日大學士于敏中等奉

諭旨四庫全書處總目於經史子集內分晰應刻應鈔及應存書名三項各條下俱經撰有提要將一書原委撮舉大凡并詳著書人世次爵里可以一覽了然較之崇文總目蒐羅既廣體例加詳自應如此辦理第此次各省搜訪書籍有多至百種以上至六七百種者如浙江范懋柱等家其袁集收藏深可嘉尙前已降旨分別頒賞古今圖書集成及初印佩文韻府并擇其書尤雅者製詩親題卷端俾其子孫世守以爲積古藏書者勸今進到之書於纂輯後仍須發還本家而所撰總目若不載明係何人所藏則閱者不能知其書所自來亦無以彰各家珍弄資益之善著通查各省進到之書其一人而收藏百種以上者可稱爲藏書之家卽應將其姓名附載於各書提要末其在百種以下者亦應將由某省督撫某人採訪所得附載於後其官板刊刻及各處陳設庫貯者俱載內府所藏使其眉目分明更爲詳細至現辦四庫全書總目提要多至萬餘種卷帙甚繁將來鈔刻成書編閱已頗爲不易自應於提要之外別刊簡明書目一編祇載某書若干卷註某朝某人撰則篇目不繁而檢查較易俾學者由書目而尋提要由提要而得全書以嘉與海內之士考訂源流用昭我朝文治之盛著四庫全書處總裁等遵照悉心妥辦並著通諭知之欽此

欽定四庫全書簡明目錄

卷一

經部一 易類

卷二

經部二 書類

經部三 詩類

經部四 禮類

卷三

經部五 春秋類

經部六 孝經類

經部七 五經總義類

卷四

經部八 四書類

經部九 樂類

經部十 小學類

卷五

史部一 正史類

史部二 編年類

史部三 紀事本末類

史部四 別史類

史部五 雜史類

卷六

史部六 詔令奏議類

史部七 傳記類

史部八 史外類

史部九 載記類

卷七

史部十 時令類

史部十一 地理類

卷八

史部十二 職官類

史部十三 政書類

史部十四 目錄類

史部十五 史評類

卷九

子部一 儒家類

子部二 兵家類

卷十

子部三 法家類

子部四 農家類

子部五 醫家類

卷十一

子部六 天文算法類

子部七 術數類

卷十二

子部八 藝術類

子部九 譜錄類

卷十三

子部十 雜家類

卷十四

子部十一 類書類

子部十二 小說家類

子部十三 釋家類

子部十四 道家類

卷十五

集部一 楚詞類

集部二 別集類 漢至五代

集部三

別集類二

北宋建隆至靖康

卷十六

集部四

別集類三

南宋建炎至德祐

卷十七

集部五

別集類四

金至元

卷十八

集部六

別集類五

明洪武至崇禎

集部七

別集類六

國朝

卷十九

集部八

總集類

卷二十

集部九

詩文評類

集部十

詞曲類

欽定四庫全書簡明目錄卷十六

集部四

別集類三 南宋建炎至德祐

宗忠簡集八卷

宋宗澤撰樓昉編澤齊志以終未能恢復終賴其倡明大義得立國有餘年時澤言兵故無收拾其文者嘉定中昉始爲編此集已多所散亡如請還汴疏凡二十八上其

知然殘闕之餘仍精貫三光也

龜山集四十二卷

宋楊時撰時沒於建炎四年入南宋之日淺然南宋一百四十餘載其士風朝論悉操之於道學道學之派則開之於時故次於宗澤之後著一代風氣之始焉

梁谿集一百八十卷附錄六卷

宋李綱撰綱人品經濟炳然史冊卽以文章而論亦雄深雅健非株守章句者所能徒以集中喜談佛理故諸儒不有稱之然顏真卿孤忠勁節日月爭光終不以書西京多寶塔碑作撫州麻姑壇記遂減其文章之價也

初寮集八卷

宋王安中撰原本久佚今從永樂大典錄出安中喜依附名流而反覆炎涼頗干清議其交結梁師成蔡攸附和童貫王黼更小人之尤其詩文乃典雅凝重絕不類其爲人存之亦足見文章工拙不足以定人品也

橫塘集二十卷

宋許景衡撰原本久佚今從永樂大典錄出景衡爲洛黨舊人然不與賈易輩誼舊門戶於徽宗時勸童貫王黼朱勔於高宗時忤黃潛善皆爭所當爭故集中奏議懇切感人其詩乃吐言清拔不露伉直之狀知其危言正論不自容氣中來矣

西渡集二卷補遺一卷

宋洪炎撰炎爲南昌四洪之一其詩法得之黃庭堅具有典型舊本附錄二卷一爲其弟朋詩九首一爲其弟獨詩二十四首文二篇均近人所鈔入二人已各有集此非足本今刪之不重焉

老圃集二卷 宋洪芻撰原本久佚今從永樂大典錄出芻於金兵攻汴時借根括金銀挾諸王邸內人唱歌侍

酒南渡後滅死寶流其行事殊爲乖刺然其詩才則在四洪之中尤爲雋異亦不以其人而廢言

丹陽集二十四卷 宋葛勝仲撰原本久佚今從永樂大典錄出勝仲嘗續修太常因革禮三百卷故其文燭於

典制嘗考論諸史爲評古篇故其文燭於史事又崇寧三年盡閱韓氏大藏經故其文多闡明佛理

昆陵集十五卷 宋張守節撰原本久佚今從永樂大典錄出守初薦汪伯彥再薦秦檜頗昧於知人然練習政體

集中所載論國事邊事諸疏緩急利害一一如指諸掌皆碩畫也

浮溪集三十六卷 宋汪藻撰原本久佚今從永樂大典錄出藻文章淹雅爲南渡後詞臣之冠其隆祐太后手

書建炎德音諸篇咸動人心幾於陸贄興元之詔雜文亦雅健有體其詩得於徐俯俯得於其舅黃庭堅尤遠

有淵源

浮溪文粹十五卷 不著編輯者名氏刊版者則明胡堯臣也其去取汪藻之文頗有鑒裁故今從歐陽文粹之

例與全集竝存

莊簡集十八卷 宋李光撰原本久佚今從永樂大典錄出其詩多婉約流麗託興深微頗類詞人之作其區畫

軍國排擊表諫乃碩畫危言凜然生色過嶺以後多與胡銓手札往還溫厚機辭無牢騷不平之意尤難能也

忠止德文集十卷 宋趙鼎撰高宗嘗手書忠正德文四字賜鼎因以名集鼎爲南渡名臣彪炳史冊本不以詞

藻爭短長而出其緒餘亦無忝作者

東隱集十六卷 宋張翥撰原本久佚今從永樂大典錄出翥因秦檜之薦得爲中書舍人故作檜追贈祖父及

万俟卨兼侍讀諸制皆貢諫取媚人品殊不足道其詞采清麗則蔚然一時之秀也

思惠集十卷附錄一卷 宋翟汝文撰原本久佚今從永樂大典錄出汝文及與蘇黃諸人游文章有熙寧元祐

遺風而尤工於制誥周必大作孫觀鴻慶集序稱觀集多誤收汝文作知其體格相類矣

松隱文集三十九卷 宋曹勣撰原本四十卷今佚一卷勣嘗從徽宗北行後又使金迎宣仁太后故集中詩文

多可以參證史事其文頗雅馴詩格多類小詞蓋勣父元寔本以紅窗迴曲擅名也

石林居士建康集八卷 宋葉夢得撰南渡詩人以陳與義爲冠而夢得亞之其總集一百卷審是集八卷今皆

散佚惟此集存皆其紹興八年再鎮建康時作書錄解題作十卷此本八卷其孫籍跋亦稱八卷或書錄解題傳寫誤歟

簡齋集十六卷 宋陳與義撰與義之名不列江西宗派中然其詩實江西宗派特天分絕高工於變化能自開

蹊徑耳至湖南流落之餘汴京版蕩之後撫時感事多近杜陵於黃陳之閒高置一席無愧也

北山小集四十卷 宋程俱撰俱在掖垣以抗直著所論諫繳駁今具見集中其制誥典雅閎奧爲宋史本傳所

稱其詩取徑韋柳亦綽有自得之趣

樹溪居士集十二卷 宋劉才邵撰才邵字從正不從邑或從邑諸誤原本久佚今從永樂大典錄出其詩源出蘇氏故詞氣頗

爲縱橫雜文皆典雅制誥尤有體裁惟秦檜制詞比以孔孟伊呂殊爲非體史稱其於權臣用事能雍容退避

頗著微詞其指此類歟

筠溪集二十四卷 宋李綱撰筠溪者彌遜歸連江時所居別本或作竹溪集誤也前有樓鑰序稱其歸隱西

山十六年詠詩自娛筆力愈偉今觀所作大抵盤空硬語時參文句可謂浩浩落落自成一家

華陽集四十卷 宋張綱撰綱在北宋忤蔡京王黼在南宋又忤秦檜其論黨籍推思太濫亦不附合元祐之局

蓋自行一意之士其文頗有典則其講筵所進故事因事納忠尤多剴切

忠穆集八卷 宋呂頤浩撰原本久佚今從永樂大典錄出頤浩排李綱李光又創立月椿錢法貽惠東南深爲

公論所不與然集中所載奏劄諄諄事勢多能先見故其都督江淮雖未能恢復亦不至如張浚之債轍

紫微集三十六卷 宋張嶠撰原本久佚今從永樂大典錄出嶠爲陳與義之表姪少嘗受學於其詩格多與與

次定四庫全書類目目錄卷十六

集部別集類



義相近

碧溪集五十五卷

宋劉一止撰原名非有齋類彙凡五十卷此本出自朱彝尊家增多三卷又附錄行狀告詞各一卷而題曰碧溪集不知何人所改也韓元吉所作行狀稱其文雖演迤宏博而關鍵嚴密又稱其詩寓意高遠爲呂本中陳與義所推

東牟集十四卷

宋王洋撰原本久佚今從永樂大典錄出文頗溫雅制誥尤有典則詩則元稹自喜頗不爲邊幅所拘蓋洋雖嘗官禁近而中年退處耽守清貧故多放曠山林之致云

相山集三十卷

宋王之道撰原本久佚今從永樂大典錄出之道嬰城捍禦幹略足稱其力爭金有九不可和坐淪棄二十載九見氣節故集中論事之文率剴切明暢惟韻語非其所長姑以吟咏自適而已

三餘集四卷

宋黃彥平撰別本作黃次岑黃次山黃季岑或以字行或傳寫誤也彥平在靖康初坐與李綱善貶官南渡後數上劄子論事多所建白其論賞罰一疏於呂祉劉光世得失能先事預料蓋亦一剛正有爲之士詩文特其餘事也

大隱集十卷

宋李正民撰原本久佚今從永樂大典錄出正民初從高宗航海後知陳州爲金所執紹興十六年南還仍歷官禁近奉祠以終蓋雖被俘而未屈節也其文制誥爲多率溫潤流麗詩亦不失爲雅音

龜溪集十二卷

宋沈與求撰史稱與求歷御史三院知無不言前後幾四百奏今集中所載僅十之三四大抵深切著明其制誥亦多得立言體

栢欄集十六卷

宋鄭肅撰原本三十卷此殘闕重編之本也肅於宣和壬寅以論艮岳事被斥後張邦昌僭號開關奔赴行在與杜南相似其靖康迎駕行後迎駕行等篇亦類近甫奉先諸作其書揚雄事一篇斥雄爲叛臣亦在朱子綱目書莽大夫之前

默成文集八卷

宋潘良貴撰良貴屢擢侍未子稱其剛毅近仁然原集十五卷久佚不傳此本乃其裔孫所

板拾僅文二十首詩二十七首詞一首而多所附錄強分八卷殊無體例以良貴端人存其著作之梗概耳

鄱陽集四卷

宋洪皓撰原本久佚今從永樂大典錄出時羈處冷山節倅蘇武其可傳者不在文章即論其文章是集之先導三洪亦猶伐檀集之先導黃庭堅也

澹齋集十八卷

宋李流謙撰原本久佚今從永樂大典錄出其詩文皆遺幅少狹閒參俚語然格力挺拔無後來江湖派靡弊之氣

韋齋集十二卷附玉瀾集一卷

韋齋集宋朱松撰玉瀾集松弟棹撰松爲朱子之父然其詩文氣格高逸倘然迥出雖不藉朱子之力亦足以自傳棹詩頗爲萎弱以鄭瑄刻附松集後故亦附驥以行焉

陵陽集四卷

宋韓駒撰駒之學出於眉山故呂本中列之江西宗派圖中駒頗不樂然駒詩實頗近豫章其不樂寄黃氏門下亦猶陳師道養香南豐不忘根本耳其宗旨之迥殊也

嵩山集三卷

宋朱翌撰原本久佚今從永樂大典錄出其詩源出蘇黃古體排棄縱橫才力特爲富健近體亦偉麗伉壯喜以成語屬對多妥帖自然

雲溪集十二卷

宋郭印撰原本久佚今從永樂大典錄出其詩才地稍弱而清思雋語亦錯出其間

盧溪集五十卷

宋王庭珪撰凡詩文各二十五卷庭珪初爲茶陵丞以忤上官去後胡銓爭和議竄請庭珪以詩贈別觸秦檜之怒亦徙嶺南蓋始終不畏強禦者故其詩文皆伉厲之氣溢於句外

屏山集二十卷

宋劉子翬撰其子珙編朱子爲之序自稱門人蓋早年嘗師子翬也其文論事論理皆曲折明暢無語錄俚詞古詩風格高秀不襲陳因近體則派近江西亦復波峭惟其學初從禪入往往語雜偈頌於詩格頗乖

北海集四十六卷附錄三卷

宋蔡襄撰原本久佚今從永樂大典錄出凡詩文三十六卷諸體兼舉惟制詒表啟最多亦惟是體最工後十卷爲兵籍類要皆援據兵法系以論斷其附錄三卷則告教傳誌之屬也

鴻慶居士集四十二卷

宋孫觀振以奉祠提舉鴻慶宮故以名集觀一生巧宦殆不知世有廉恥其碑誌諛頌

官寺排抑忠良殆亦不知世有是非其詞采則汪藻基崇禮以外罕與抗行亦所謂孔雀有毒不掩文章者故

自宋以來無不菲薄其人而不廢其集焉

內簡尺牘編註十卷

宋孫觀振其門人李祖堯編併註其文與鴻慶集多異同註中所引觀文亦或爲集所不

載蓋爲他手所編此則據其無蹟也其註多得諸親授故較任淵之註山谷集引證尤詳

秘菴集六卷

宋李處權撰原本久佚今從永樂大典錄出其詩得自苦吟頗能標新領異大抵五言清脫瀏亮

可追張耒七言伉爽亦略似陳與義

藏海居士集二卷

宋吳可樞原本久佚今從永樂大典錄出可始末無考而所撰詩話多與韓駒論詩語此集

亦多與王安中趙令時米友仁唱和蓋亦蘇黃之支派故其詩遺詞清警品在謝逸謝道兄弟之間

豫章文集十七卷

宋羅從彥撰元曹道振編首列經解一卷有錄無書次尊堯錄八卷集二程楊龜山語錄一

卷雜著二卷詩一卷附錄三卷外集一卷實十六卷

和靖集八卷

宋尹焞撰凡奏劄三卷詩文三卷壁帖一卷師說一卷壁帖者焞手書格言粘壁門人錄之成帙

師說者焞之語錄其門人王時敏所記也

王著作集八卷

宋王積撰原本四卷久佚此本乃明宏治中其十一世孫觀所編首爲傳道支派圖一卷次爲

劄子雜文一卷僅十餘篇自三卷以下皆爲附錄錄其遺稿成集皆所謂指大於臂者也

柳江百詠一卷

宋阮閱撰蓋其宣和中知湖州時所作舊無刊本此本出自虞翻家佚其八首僅存九十二首

其題下之註亦併佚其詩多人論宗而敘述風土亦足資考證

雙溪集十五卷

宋蘇籀撰籀之孫遜之子也集中上奏檄二書獻諫十達殊其家聲其文則雄駿疎暢猶

不失眉山矩矱

少陽集十卷

宋陳東撰其遺文僅前五卷自六卷以下皆附錄也東以諸生伏闕煽動十餘萬人至於擊碎院鼓轡割中使其蹟近于亂民保不可謂徒以志在匡時言皆中理其心猶有可諒故前史列之忠義而遺集亦為世所傳焉

歐陽修撰集七卷

宋歐陽澈撰稱修撰者高宗所贈官也澈與陳東同死之後吳沆編其詩三卷為飄然集嘉定中胡衍又刻所上三書明永樂丙申其十世孫齊以書三卷詩文事蹟四卷合為一編即此本也

東溪集二卷附錄一卷

宋高登撰登初隨陳東伏闕後雖不預其禍而卒以不肖為秦檜父立祠竄謫以死故當時亦稱為烈士其集書錄解題作二十卷宋史藝文志作三十卷皆已散佚此本乃明林希元所編僅存二卷其附錄一卷則朱子請褒錄奏狀及祠記之屬也

岳武穆遺文一卷

宋岳飛撰書錄解題載飛集十卷今已不傳此本乃明徐階所編原附刻岳廟集以岳廟集多明人惡札故悉刪除惟以飛遺文一卷著錄示表章之義焉

茶山集八卷

宋曾幾撰原本久佚今從永樂大典錄出幾詩源出黃庭堅而語多自造不甚隸事為小異一傳而為陸游變而圓潤與幾又異然游之學幾而不似幾猶趙孟頫書學李邕而不似李邕特不襲其面貌而已

雪溪集五卷

宋王鉉撰原本八卷今佚三卷其詩大致近溫李在南宋初年為別調

蘆川歸來集十卷附錄一卷

宋張元幹撰原本殘闕今從永樂大典補完元幹以胡銓坐累與王廷珪相似盡亦氣節之士故其詩格頗道雜文多青詞之類雖不足取然題跋則具有蘇黃法蓋猶及識元祐諸人故也末

一卷為幽崑崙題錄記為其祖母外家置祭田事其題跋多南北宋名臣之筆今亦并錄焉

東萊詩集二十卷

宋呂本中撰本中有文集及外集皆久佚此其詩集也其詩得法於黃庭堅故作江西宗派圖列陳師道等二十五人而已居其末其紫微詩話及童蒙訓論詩尤多精語故吐言天拔卓爾成家放陶孫

詩評譽以散聖安禪自然奇逸可謂善狀矣

澠菴文集六卷

宋胡銓撰宋史本傳稱銓集百卷蓋文志又作七十卷今已不傳此本文五卷詩一卷蓋後人

掇拾重編也銓受春秋於蕭楚故集中持論多本春秋義例不但爭和議一疏震耀千古魏林王露記其飲湘潭胡氏園詩爲朱子所詆此集不載殆諱而刪之然銓大節凜然乃以歌筵一詠斥爲盡喪生平操之未免已蹙矣

五峯集五卷

宋胡宏撰其子大時編凡詩一卷書一卷雜文一卷皇王大記論一卷易外傳論語指南釋疑孟爲一卷持論皆醇正而和平所學所養均遠在其弟寅之上

斐然集三十卷

宋胡寅撰寅以不持生母服爲章復所劾復雖迎合秦檜假公以濟私然所執則不爲無理寅自辨之書今在集中究之強詞也又集載釋氏疏文六篇與所作崇正辨亦自相矛盾均爲白璧之瑕至其出

處大節則卓然無愧故其集亦終不可廢焉

鄧紳伯集二卷

宋鄧深撰千頃堂書目作元人誤也原本久佚今從永樂大典錄出深爲吏有惠政初不以文章著名而所作猶有北宋前輩之矩矱

北山集三十卷

宋鄭剛中撰凡初集十二卷中集八卷皆剛中自編後集十卷則其子良嗣所編史稱剛中由秦檜以進故曲附和議而此集載諫和議四疏和議不屈一疏乃與史相反又有教胡銓會開一疏史亦無是事殆其子廣作至其詩峭健文簡古則方同所跋不甚失真焉

浮山集十卷

宋仲并撰原本久佚今從永樂大典錄出其古文簡嚴而不局促四六以散行爲排但有歐蘇之遺詩亦清雋王應麟困學紀聞所稱草執諫不看嶺南圖詩乃集中之上乘所長實不止此也

橫浦集二十卷

宋張九成撰九成少師場時既而學禪於僧宗杲其學遂雜故爲朱子所攻然立身自有本末其文章亦自成一家的如劉安世蘇軾李綱其言禪不能諱其人品著作要不可廢也

湖山集十卷

宋吳芾撰原本久佚今從永樂大典錄出其詩才藻富有潤翻不竭早年或失於剪裁晚乃漸趨

平淡觀和陶諸作可見其志趣

文定集二十四卷

宋汪應辰撰應辰立朝骨鯁其文章學問亦具有淵源故朱子頗引以為重其集五十卷世

久無傳明程敏政於文淵閣得舊本摘鈔八卷刊行餘遂散佚今錄永樂大典所載重為編次鴻篇鉅製多出程本之外

霜雲文集四卷

宋馮時行撰原本四十三卷歲久散佚此本乃明嘉靖中李璽以殘本重編也時行與朱松曾

開等以爭論和議忤秦檜坐貶故其詩文往往含忠憤之氣

嵩山居士集五十四卷

宋晁公邁撰公邁為公武之弟家學相承具有軌範其文章勁氣直達尚有景迂難助

諸集之遺詩格稍靡當緣性有偏長與

歐堂集二十二卷

宋陳淵撰其門人沈度編凡文十二卷詩十卷淵受業於楊時紹興七年求直言敢諫之士

胡安國以淵應詔其上殿劄子闕王安石詆棄檜又糾莫將鄭億糾宰執不職祝其師之依違蔡氏實青出於

藍其詩不甚雕琢而時露天趣亦異於有韻之語錄

知稼翁集二卷

宋黃公度撰原本十二卷此其殘闕之本也公度廷試第一人而享年不永詩文尚未成家然

詞氣恬靜而軒豁知為端士之語也

唯室集四卷附錄一卷

宋陳長方撰原本久佚今從永樂大典錄出集中論古多刻核大抵以理通人而不甚

計其勢勢然於時政則利害頗明如紹興十八年應詔劄子籌畫兵食具有條理雜著中里醫一篇於張浚跋

妄債載若操券逆睹固與迂闊者有殊也

漢濱集十六卷

宋王之望撰原本久佚今從永樂大典錄出之望附和湯思退頗不愜於清議其文則舒暢明

達稍有元祐之舊格

歸愚集十卷

宋葛立方撰原本二十卷此本蓋發拾遺補故詩但有迂體無古體文如何事轉官制之類亦誤

大正四年全書附明目錄卷十六

集別集

收北宋人作也立方作韻語陽秋論詩惟取風旨不計其詞之工拙故所作亦字逢佳句惟儻體流麗清婉多有可採

香溪集二十二卷

宋范浚撰其門人高梅綱深心箴爲朱子所取然實究心於世務集中進策五卷可見其聚

其說詩鄙穿鑿者似詆鄭樵之流說易鄭象數家似斥陳搏之學於經術皆頗有功詩亦尚不失古格

鄭忠肅奏議遺集二卷

宋鄭興裔撰其書由掇拾而成難以奏議爲名實則夏竦雜文共爲一集其請起居重

華宮論淮西荒政諸疏頗爲剴切獨縉錢禁改鈔論折錢帛諸疏於利害尤詳雜著亦有考證

雲莊集五卷

宋曾協撰原本久佚今從水樂大典錄出雜文頗夥其詩格則源出蘇軾陳與義傅伯壽序稱

其多效選體殊不然也

竹軒雜著六卷

宋林季仲撰原本久佚今從水樂大典錄出書錄解題稱其以趙鼎薦入朝疏爭和議得罪今

其疏不見集中而他奏劄多深切時弊庚溪詩話稱其詩意新而語佳今觀所作遺幅少狹已逗江湖一派而

清雋者亦多可喜

拙齋文集二十卷

宋林之奇撰凡道山記問二卷詩一卷雜文十七卷之奇受業呂本中呂氏學頗雜理故

之奇特論亦在儒釋之間呂氏學不廢文章故之奇雜文無語錄祖鄭之態其詩尤多高韻如江月圖早春偶

題諸篇置之蘇黃集中不辨也

于湖集四十卷

宋張孝祥撰其詩文刻意追蘇軾雖不能至而天姿高邁亦時時得其近似尚不失元祐風格

也

太倉稊米集七十卷

宋周紫芝撰凡樂府詩二十七卷文四十三卷紫芝年過六十始通籍而集中諷頌奏檄

父子者連篇累牘殆於日暮途遠倒行逆施其詩在南渡之初則特爲秀出足以繼眉山之後塵伯仲於石湖

御南也

夾漈遺藁三卷

宋鄭樵撰樵在南宋稱博洽文章則不甚著名此集凡詩五十六首文七篇蓋亦掇拾之本其詩不甚修飾而蕭散無俗韻其文澁澁恣肆多夸張叫囂之詞頗病器量之淺狹

鄭峯真隱漫錄五十卷

宋史浩撰其門人周鑄編凡詩五卷雜文三十九卷詞曲四卷末二卷爲童仆須知分三十章皆以修身齊家之道次爲韻語蓋蒙求類也

燕堂詩藁一卷

宋趙公豫撰原本十六卷此本爲蔣雱所刪定詩不甚工而公豫於當時爲循吏以其人而存之

海陵集二十三卷外集一卷

宋周麟之撰其子準編麟之以文章任侍從致位通顯與王珪略同故此集制誥居大半吐屬雅贍亦與珪相近其外集則使金來往所作與珪之不出國門差異然多附會誇誕之詞亦未能以名山大川助筆墨之氣故今削之不錄焉

竹洲集二十卷附隸華雜著一卷

宋吳微撰程秘序稱所作峭直而紆徐嚴潔而平澹質而不俚華而不彫今觀其詩文皆意境創削去陳師道爲近特深厚不及耳

高峯文集十二卷

宋廖剛撰宋史以剛與張九成胡銓同傳然剛附會和議其約束邊將諸奏劄今尙載集中迨敗盟之後乃始改職實非二人之比其請高宗不拜欽宗亦嫌貢媚然其他奏議指陳利弊尙頗有可採

鄂州小集六卷附錄二卷

宋羅願撰願父汝楫助秦檜而殺岳飛犯天下萬世之公怒願則學問賅博文章高雅卓然有以自立不爲父惡所掩其集本劉清之所編此本叢雜少緒似非原帙然其爲願之遺文則無可疑

附錄二卷爲其兄頌姪似臣之文亦具有家法

艾軒集九卷附錄一卷

宋林光朝撰原集二十卷此本乃明鄭岳所刪也光朝文不多作則刻意鍛鍊或經歲不成故所傳頗少劉克莊作網山集序稱其文高者過檀弓穀梁平處猶與韓竝驅推挹雖過要其學有根

柢終與俗格迥殊



晦菴集一百卷續集五卷別集七卷

宋朱子撰晦菴集一百卷見書錄解題相傳爲其子在編別集七卷余師

魯編惟續集不知出誰手黃鑄序作於咸淳元年則理宗時所編也三集皆舊本後其裔孫朱玉割裂擬合別

名爲朱子文集大全類編多立門目轉無端緒

梁溪遺藁一卷

宋尤袤撰尤楊范陸稱南宋四家而楊范陸三集皆存尤獨散佚此本爲康熙中尤侗所搜輯

百分僅存其一然片羽一鱗猶見龍鸞之章采

文忠集二百卷

宋周必大撰其子綸編卽宋史所稱平園集也凡分二十七集生平所著之書亦皆編入蓋卽

仿必大編歐陽修集凡例也

雪山集十六卷

宋王質撰原本久佚今從永樂大典錄出宋史稱質博通經史善屬文王阮作是集序亦稱聽

其論古如讀鄭道元水經注名川支川貫穿周帀無有閒斷蓋學博而才瞻也至奏劄諸篇詳明剴切特選

睿賞亦非偶然焉

方舟集二十四卷

宋李石撰原本久佚今從永樂大典錄出石少從蘇符游故文以閭肆見長詩亦縱橫跌宕

多得法於蘇氏又謫爲成都學官時與諸生講肄於石室研究經訓著有易十例略互體例脈統左氏卦例詩

如例左氏君子例聖語例詩補遺諸書原附集末今仍併錄之

網山集八卷

宋林亦之撰亦之繼林光朝主閩中講席頗負時望劉克莊序其集亦推挹甚至此本詩僅二卷

而輓詩居一卷文僅六卷而祭文居二卷祝文聘書居一卷青詞墓疏之類不軌於正者又居一卷殊不稱其

名殆原集散佚無識者掇拾糟粕爲之重編以別無完本姑存備插架之一種云爾

東萊集四十卷

宋呂祖謙撰其弟祖儉姪喬年同編凡文集十五卷又以家範尺牘之類爲別集十六卷程文

之類爲外集五卷年譜遺事爲附錄三卷而終以拾遺一卷祖謙之學朱子頗病其雜其文博辨周肆朱子又

病其不守約然祖謙博覽羣書語有根柢終勝楊履高談也